


DANIELA PIRATA



SUSANNA ISEÑI
& GÓMEZ

EN UN MAR LUENH, LUENH,
LUENH DERA NÒSTA VAL,
NAVEGAUE ETH CAIMAN NERE,
ETH BATÈU PIRATA MÈS TEMUT
DE TOTI ES TEMPSI.





ETH CAPITAN DETH CAIMAN NERE SE DIDIE
AURELHATALHADA. ETH E ERA SUA
TRIPULACION PIRATA ÈREN FÒRÇA
CONEISHUDI.

EN AQUETH MAR TANBEN NAVEGAUE DANIELA EN SÒN
PETIT BATÈU ARANHA SAUTARINA.



DANIELA VOLIE ÈSTER PIRATA DETH CAIMAN NERE.

UN DIA, DEMPÚS DE FÒRÇA
LUES E SOLEIS CERCANT,



LE TRAPÈC.





- ETH MÈN NÒM EI
DANIELA E VOI ÈSTER
PIRATA EN AGUEST
BATÈU! -LES DIDEC AS
PIRATES EN ARRIBAR.

ES PIRATES
NON
PODIEN
PARAR
D'ARRIR



- ETH CAPITAN PARLÈC
DAMB ES AUTI PIRATES

AURELHATALHADA PARLÈC:

- ENTÀ ÈSTER PIRATA EN BATÈU CAIMAN NERE
CAU PASSAR 7 PRÒVES.



- QUINES? HARÉ ÇÒ QUE SIGUE
DE BESONH!-RESPONEC
DECIDIDA DANIELA

- ERA PRUMÈRA PRÒVA EI PESCAR FÒRÇA
PEISHI, DANIELA TU SABES **PESCAR**?


DANIELA SE LANCÈC EN MAR .



QUAN TORNÈC, TOTI SE QUEDEREN
DAMB ERA BOCA DUBÈRTA.

- ACIU VOS PÒRTI
BACALHANS,
TRES CALAMARS
GIGANTS E
FÒRÇA MERLUCI.

- ÒH!-EXCLAMÈREN
TOTI ES PIRATES.



- ENA DUSAU PRÒVA AS DE DEMOSTRAR ERA
TUA **FÒRÇA**-DIDEC AURELHATALHADA.



DANIELA LHEUÈC ETH PESANT “CÒFRE” DES TRESAURS
EN TOT PUJAR-LO E BAISHAR-LO.

- UA, DUES, ..., DÈTZ, .., VINT, ..., CINQUANTA, ...CENT!

- ERA TRESAU PRÒVA
CONSISTÍS EN
DEMOSTRAR ERA
TUA **VELOCITAT**.
M'AURÀS DE PORTAR
UN CLOCAUELHS,
UNA PLOMA DE
PARRÒT E UA
MONEDA D'AUR.

DANIELA SIGUEC TAN
RAPIDA QU'ARRÉS LA
VEDEC BOTJAR-SE.



- ENA QUATAU PRÒVA AURÀS
D'ÈSTER **SILENCIOSA** COMA
ES SÈRPS.

QUAN TORNÈC UN DIA
DEMPÚS PORTAUE ETH
PÈU D'UN OS QU'AUIE
CONSEGUIGT SENSE
AUER-LO DESVELHAT.



- ENA CINCAU PRÒVA
CAU ÈSTER **VALENTA**
E NON AUER PÒUR.
AURÀS D'ACONSEGUIR
UA CLAU QUE SAUVEN
ES COCODRILS ENA
PART BAISHA DETH
BATÈU.



DANIELA SENSE PENSAR-S'AC, ANÈC A VEIR AS
COCODRILS E RECUPERÈC ERA CLAU. ES
PIRATES LA CAMPAUEN DAMB ADMIRACION.



- ENA SIESAU PRÒVA AS DE PREMANIR UA BONA SOPA. TU SABES **CODINAR**?

DANIELA CERQUÈC
TERARANHES,
ESCOPINADES DE
GARGOLHA, LERMES DE
COCODRIL, PINHA
POIRIDA, ... E PREMANIC
UA FLAIROSA SOPA.


- AGGGGG! ERA SOPA MÈS HASTIOSA DES SÈT MARS!-
EXCLAMÈC AURELHATALHADA.



- ENTÀ ACABAR, ERA SETAU PRÒVA, ERA MÈS IMPORTANT. TU SABES LIÉGER AGUEST MAPA?



DANIELA ESTUDIÈC ETH MAPA D'UN TRESAUR QU'ES PIRATES HÈGE TEMPS QUE CERCAUEN. SE N'ANÈC DAMB ETH SÒN BATÈU ARANHA SAUTARINA E TORNÈC DUS DIES MÈS TARD DAMB FÒRÇA JÒIES E MONEDES D'AUR.



TOTI ES
PIRATES
CONTENTI
EXCLAMAUEN
ETH SÒN
NÒM.

TOTI ES PIRATES MENS... AURELHATALHADA.

-CAU DÍDER QU'AS PASSAT TOTES ES PRÒVES, MÈS
NON PÒS ÈSTER PIRATA EN NÒSTE BATÈU-
AFIRMÈC ETH CAPITAN.



-COMA? SABI PESCAR, SÒ FÒRTA, SÒ RAPIDA,
SILENCIOSA COMA UA SÈRP, VALENTA, SABI
CODINAR E POGUI TRAPAR TRESAURS PERDUDI.




-È TOT ÇÒ QUE CAU ENTÀ ÈSTER UA BONA PIRATA!-
EXCLAMÈC DANIELA

AURELHATALHADA LI RESPONEC QUE NON PODIE ÈSTER PIRATA PR'AMOR QUE UA NORMA DETH CAIMAN NERE ÈRE QUE NON I AUIE MAINADES.



DANIELA S'ENTRISTIC E ES AUTI PIRATES L'ANIMÈREN:
-DANIELA AS DEMOSTRAT QU'AS TOT ÇÒ DE BESONH
ENTÀ PODER ÈTER UA BONA PIRATA!

DANIELA
COMENCÈC
A SAUTAR
D'ALEGRIA
DAMB ES
PIRATES.



ES PIRATES LI DIDEREN A AURELHATALHADA:
- ENTÀ ÈSTER CAPITAN CAU ÈSTER JUST E NON
ACCEPTAR A DANIELA EN BATÈU EI UA INJUSTÍCIA.
NON VOLEM QUE SIGUES ETH NÒSTE CAPITAN!





AURELHATALHADA
SE N'ANÈC E ETH
CAIMAN NERE
NAVEGUEC PER TOT
ETH MON.

TOTI ES MARINÈRS E
PIRATES SABIEN
QU'ETH CAPITAN
DETH CAIMAN NERE
JA NON ÈRE
AURELHATALHADA...

ERA NAUA CAPITANA ÈRE UA MAINADA, ERA
PIRATA DANIELA.



E CRIC CRIC, AGUEST CONDE QU'EI FINIT,
E CRAC, CRAC, AGUEST CONDE QU'EI ACABAT.

DANIELA PIRATA



FIN